

23. marts 2006

Inatsisartut suleriaasissaanni § 36, imm. 1 naapertorlugu Naalackersuisunut uku apeqqutigerusuppakka:

Nunaqarfinni aftenskoleqarneq pilligu Naalackersuisunut apeqquteqaat
(Inatsisartunut ilaasortaq Astrid Fleischer Rex, Demokraatit)

1. Nunaqarfinni innuttaasunit maalaarutigineqarpoq, aftenskolemi ilinniarusutaq aatssaat ilinniartitsissutigineqarsinnaasoq atuartussat minnerpaamik tallimaappata. Massakkut pissutsit atuutsillugit nunaqarfinni aftenskoleqarnerup ingerlannissaa ajornarpoq. Naalackersuisut siunertaqarpat pilersaaruteqarpallu ajornartorsiutip taassuma qaanganiarnissaanut?
2. Aftenskoleqataaniaraanni qularnaveeqqusiisoqassaaq 100 korunninik. Taamak annikitsigisumik akiliisarneq immikkut ittumik peqquteqarpa, akiliutaasartorlu millisinneqarsinnaava imaluunniit peerneqarsinnaava?

Pissutigalugu:

Ilinniartitaaneq Demokraatiniit isigineqarpoq inuiaqatitta pikkorissarnissaannut aqqutissatut pitsaasutut. Ilinniartitaanerit naatsut takisuullu tamarmik eqqarsaatigineqarput. Taamaattumik aamma pingaartuuvoq ilinniartitaaneq qulakkiissallugu pikkorissarnerit naatsut, naammassisinnaasat sivisuallaanngitsumillu ingerlassinnaasat atorlugit ukiunilu arlalinni ingerlanneqarsinnaasut. Tamanna aamma nunaqarfinni innuttaasunik ilinniartitsisinnaanermut pitsannguutaasinnaavoq, ilinniarusunermik pikkorinnerulerusunermillu tamanut eqqarsalernermik pilersitseqataasinnaalluni. Aftenskole sunngiffimmi inersimasunut ilinniartitsissutitut neqeroorut pingaaruteqarpoq, nunaqarfimmiunnuttaaq aamma pisinnaatitaasariaqaraluartoq.